



PAENITENTIARIA APOSTOLICA

Prot. N. 977/18/1


DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino FRANCISCO Divina Providentia Papa tributarum, Excellentissimo ac Reverendissimo Patri Domino ANGELO XAVERIO PÉREZ PUEYO, Episcopo Barbastrensi-Montisonensi vel alii Praelato dignitate cardinalitia aut episcopali insignito, benigne concedit ut, diebus XXVIII Martii MMXIX et MMXX, quibus aperietur et claudetur Jubilaris Annus Extraordinarius, occasione quadringentesimi anniversarii, ex quo per Barbastrenses vias instaurata est Generalis in Hebdomada Sancta Processionis, post pontificaliter litatum Divinum Sacrificium, impertiat episcopis, canonicis aliisque presbyteris, diaconis, religiosis viris ac mulieribus Confraternitatum sodalibus omnibusque christifidelibus laicis adstantibus, qui vere paenitentes et caritate compulsi iisdem interfuerint sacris, PAPALEM BENEDICTIONEM cum adnexa plenaria Indulgentia, suetis sub condicionibus (sacramentali confessione, eucharistica communione et oratione ad mentem Summi Pontificis) lucranda.

Christifideles qui PAPALEM BENEDICTIONEM devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, plenariam Indulgentiam, ad normam iuris, consequi valebunt.

Contrariis quibuscumque minime obstantibus.

Datum Romae, ex aedibus Paenitentiariae Apostolicae, die XXV mensis Iulii, anno Dominicae Incarnationis MMXVIII.


MAURUS Card. PIACENZA
Paenitentiaris Maior


CHRISTOPHORUS NYKIEL
Regens